

PROVEDOR DE DIREITOS HUMANOS E JUSTIÇA



RELATÓRIU MONITORIZASAUN ESTADU EMERJÉNSIA

Períodu 30 Setembru – 29 Outubru 2021

KONTEÚDU

KONTEÚDU	2
LISTA AKRÓNIMU.....	3
RELATÓRIU MONITORIZASAUN ESTADU EMERJÉNSIA.....	4
PARTE I - SUSESU, DEZAFIU NO REKOMENDASAUN.....	5
A. <i>Susesu</i>	5
B. <i>Dezafiu no Rekomendasaun</i>	5
1. <i>Direitu ba edukasaun.....</i>	6
2. <i>Direitu ba integridade fizika</i>	6
3. <i>Diseminasaun Informasaun kona-ba COVID-19.....</i>	7
4. <i>Implementasaun no Kumprimentus ba Lei no Regras</i>	7
5. <i>Impaktu Ekonómiku</i>	8
6. <i>Fasilitade</i>	8
7. <i>Pontu Entrada</i>	8
PARTE II – REZUMU REZULTADU MONITORIZASAUN.....	10
A. <i>Área Monitorizasaun</i>	10
B. <i>Kumprimentu ba regra distansiamentu sosiál.....</i>	11
C. <i>Evita Aglomerasaun.....</i>	11
D. <i>Uza Máskara.....</i>	12
E. <i>Fase Liman</i>	13
F. <i>Devér Jerál Kooperasaun</i>	14
G. <i>Devér Espesiál Kooperasaun ba Responsavel Rejionál, Munisipál no Lider Komunitária sira nian 14</i>	
PARTE III – ATIVIDADE PDHJ.....	16
A. <i>Tratamentu Kesar</i>	16
B. <i>Monitorizasaun.....</i>	16
C. <i>Intervensaun urjente liu husi rekomendasaun espesífika ba entidade sira</i>	17
PARTE IV – TABELA I. REKOMENDASAUN HOSI PDHJ DURANTE ESTADU EMERJÉNSIA.....	18
PARTE V - TABELA II. FATIN MONITORIZASAUN.....	22

LISTA AKRÓNIMU

COVID-19	Corona Virus 2019
DG	Decreto do Governo
DL	Decreto-Lei
DNTT	Direção Nacional dos Transportes e Terrestres
EE	Estadu Emerjénsia
EE-1	Estadu Emerjénsia dahuluk
EE-2	Estadu Emerjénsia daruak
EE-3	Estadu Emerjénsia datoluk
EE-4	Estadu Emerjénsia daaat
EE-5	Estadu Emerjénsia dalima
EE-6	Estadu Emerjénsia daneen
EE-7	Estadu Emerjénsia dahitu
EE-8	Estadu Emerjénsia dawalu
EE-9	Estadu Emerjénsia dasia
EE-10	Estadu Emerjénsia dala sanulu
EE-11	Estadu Emerjénsia dala sanulu-resin-ida
EE-12	Estadu Emerjénsia dala sanulu-resin-rua
EE-13	Estadu Emerjénsia dala sanulu-resin-tolu
EE-14	Estadu Emerjénsia dala sanulu-resin-haat
EE-15	Estadu Emerjénsia dala sanulu-resin-lima
EE-16	Estadu Emerjénsia dala sanulu-resin-neen
EE-17	Estadu Emerjénsia dala sanulu-resin-hitu
EE-18	Estadu Emerjénsia dala sanulu-resin-ualu
EhD	Ema ho Defisiénsia
F-FDTL	FALINTIL-Forças de Defesa de Timor-Leste
MAE	Ministério da Administração Estatal
MAPCOMS	Ministério dos Assuntos Parlamentares e Comunicação Social
MEJD	Ministério da Educação, Juventude e Desporto
MI	Ministério do Interior
MOP	Ministério das Obras Públicas
MS	Ministério da Saúde
MSSI	Ministério da Solidariedade Social e Inclusão
MTC	Ministério dos Transportes e Telecomunicação
PAM	Prezidente Autoridade Munisipál
PA-RAEOA	Prezidente Autoridade Rejiaun Administrativa Espesiál Oecusse-Ambeno
PDHJ	Provedor de Direitos Humanos e Justiça
PNTL	Pólicia Nacional de Timor-Leste
RAEOA	Rejiaun Administrativa Espesiál Oecusse-Ambeno
RG	Rezolusaun Governu
RKLM	Radio Komunidade Lian Matebian
SAS	Serviços de Água e Saneamento
SECOMS	Secretário do Estado da Comunicação Social
SIJK	Sentru Integradu Jestaun Krize
VBG	Violasaun Boa Governasaun
VDH	Violasaun Direitus Umanus

RELATÓRIU MONITORIZASAUN ESTADU EMERJÉNSIA

Períodu 30 Setembru- 29 Outubru 2021

Provedor Direitus Umanus no Justissa (PDHJ) nu'udar órgaun independente ida ne'ebé iha funsaun atu apresia no buka dalan atu atende sidadaun sira-nia kesar hasoru podér públiku, bele haree atu ida-idak la'o tuir lei ka lae, prevene injustisa no hala'o prosesu atu hadia injustisa. Órgaun ne'e iha kompeténsia ba defeza no promove direitus umanus, liberdade no garantia fundamentál sira-ne'ebé hatur iha artigu 27.^º husi Konstituisaun Repúblika Demokrátika Timor-Leste no Tratadu Internasional Direitus Umanus ne'ebé mak Timor-Leste ratifika tiha-oná.

Espesifikasiamente regula iha artigu 7.^º no 19.^º husi Lei Nú. 3/2008, 22 Fevereiru ne'ebé estabelese Rejime Estadu Sitiu no Estadu Emerjénsia, iha artigu 8.^º no 9.^º husi Lei Nú 20/2021, 28 Setembru, kona-ba Autorizasaun ba Renovasaun Deklarasaun Estadu Emerjénsia, no artigu 8.^º no 9.^º haktuir iha Dekretu Prezidente Repúblika Nú. 81/2021, 28 Setembru rekoñese knaar no kompeténsia PDHJ nian hodi defende sidadaun sira nian direitu, liberdade no garantia fundamentál sira hodi prevene katak sidadaun sira la hetan ameasa ka violasaun ruma.

Estatutu PDHJ hatuur iha Lei Nú. 7/2004, 05 Maiu, artigu 24.^º, ne'ebé altera ho Lei Nú. 8/2009, fó kompeténsia ba PDHJ hodi halo fiskalizasaun no rekomendasau, PDHJ iha kompeténsia hodi superviziona funsionamentu podér públiku sira-nia lala'ok, nomeadamente Governu no órgaun públiku relevante, entidade privada-sira ne'ebé mak hala'o funsaun no servisu públiku.

Relatóriu ida ne'e haree no observa ba implementasaun medidas no ezekusaun Estadu Emerjénsia ba dala sanulu-resin-ualu (EE-18) no aplikasaun ba medidas preventivas COVID-19, konforme Dekretu Governu Nú. 23/2021, 29 Setembru.

PARTE I - SUSESU, DEZAFIU NO REKOMENDASAUN

A. Susesu

Dekursu EE-18 PDHJ kontinua nafatin hala'o nia funsaun hodi halo monitorizasaun ba regras EE no medidas prevensaun COVID-19 bazeia ba Dekretu Governu Nú. 23/2021, 29 Setembru¹, ne'ebé aprova medidas ezekusaun ba Deklarasaun EE-18. PDHJ garante kontinuasaun servisu hodi halo defeza no fiskalizasaun ba direitus, liberdades no garantias fundamentais sidadaun sira nian. No mós garante katak entidades relevantes sira nia responsabilidade tuir nafatin prinsípiu direitus umanus no governasaun di'ak durante implementasaun EE-18.

PDHJ rekoñese nafatin esforsu no servisu tomak ne'ebé maka Governu no Parseiru Dezenvolvimentu Nasional no Internasional sira halo ona atu garante nafatin katak Timor-Leste iha kapasidade atu responde no hatan ba problema relasiona ho COVID-19 ne'ebé agora dadaun hada'et no espalla barak liután iha munisípiu hotu iha Timor-Leste. Nune'e mós PDHJ eloja nafatin intervensaun no servisu Governu nian liu-liu pesoál saúde ne'ebé kontinua nafatin fahe informasaun ba komunidade kona-ba COVID-19 no mós ba pasiente sira bainhira sira rekupera husi COVID-19.

PDHJ mós apresia ba esforsu Ministériu Saúde no SIJK ne'ebé kontinua halo intervensaun mitigasaun COVID-19 liuhusi dalan fornese vasina no kontinua fahe informasaun kona-ba vasina ba sidadaun hotu hodi hasa'e imunidade hodi bele hasoru moras COVID-19.

Apresia mós ba servisu PNTL ne'ebé kontinua halo diseminasaun ba komunidade sira liliu iha vias públikas no mós liñas ministeriais relevantes sira partikularmente MS, SEKOMS, MAE liu husi PAM to ba Suku ne'ebé kontinua sosializa medidas prevensaun COVID-19 liu husi poster sira iha sede Suku, inklui mós komersiantes sira hanesan Supermerkadu, BNCTL, BNU, BRI no Bank Mandiri ba sosializasaun liu husi banner no pratika prevensaun hanesan fase liman, uza máskara no distânsia sosiál wainhira atividades hala'o.

B. Dezafiu no Rekomendasaun

Iha implementasaun EE-18 PDHJ kontinua halo monitorizasaun iha Munisípiu sira hanesan: Ainaro, Baucau, Bobonaro, Covalima, Dili, Ermera, Lautem, Manatuto, Manufahi, Oe-Cusse no Viqueque. Munisípiu sira seluk PDHJ la halo monitorizasaun relasiona ho rekursu finanseiru ne'ebé limitadu.

PDHJ mós identifika dezafiu iha terenu no mós halo rekomendasaun ba órgaun kompetente atu bele implementa hodi responde ba dezafiu sira ne'ebé mak identifikadu ona. Tuir mai mak apresenta informasaun ho detallu kona-ba dezafiu no rekomendasaun hirak ne'e.

Dezafiu prinsipál ba implementasaun DG medidas ezekusaun EE-18 relativamente ho artigu 13, 14, 15 mak estabelese katak permite hodi realiza atividade sira hanesan eventus sossiais, kulturais desportivus, religiozus no realizasaun ba funeral maibé tenke respeita nafatin previzaun iha artigu 16.^º kona-ba distansiamentu sosiál no evita halo aglomerasaun mak hamosu ona kontradisaun ho artigu 16.^º nú. 2 kona-ba definisaun ba termu aglomerasaun ne'ebé konsidera ema liu husi nain 2 mak halibur malu menus husi distânsia metru rua. Artigu refere iha kontradisaun tanba haree ba implementasaun ne'ebé difisil no la realístiku.

¹ Medidas de execução da declaração do estado de emergência efetuada pelo Decreto do Presidente da República N.^º 81/2021, 28 Setembru.

Eventus ne'ebé temin iha DG ne'e ho natureza ba halibur malu no difisil atu garante kumprimentu ba distânsia ka evita aglomerasaun. Nia resultadu mak parte komunidade labele atu kumpri no kontinua halo aglomerasaun. Nune'e, PDHJ sujere ba Governu, ho objetivu atu klarifikasi artigus hodi hetan implementasaun ida di'ak, atu halo definisaun espesifika ba termu aglomerasaun ba kada artigus nune'e labele hamosu kontradisaun no hodi permite implementasaun ne'ebé di'ak ka elimina tiha artigus 13,14,15 no mantein de'it artigu 16.^º husi medidas EE tanba haree mós ba faktu katak Timor-Leste menus ona kazu ba moras COVID-19².

1. Direitu ba edukasaun

Política Governu iha EE-18 mak reativa fila fali aula prezensiál ba ensinu superior, báziku no sekundariu, hodi bele garante estudante sira nia direitu ba edukasaun, maibé haree ba situaun ne'ebé iha katak sei iha nafatin dezafius ba estudantes no ba professores sira tanba kestaun inkumprimentu ba regra prevensaun COVID-19 no vasinasaun hodi evita transmisaun moras refere. Haree mós ba imposibilidade ba kumprimentu regras preventivas ba COVID-19 iha fatin aprendijazen nian hanesan eskolas ka universidades mak sujere atu kontinua disponibiliza aulas online hanesan meius alternativus ba estudantes sira atu labele lakon oportunidade ba edukasaun.

Nune'e, PDHJ kontinua rekomenda ba Governu partikularmente MEJD hodi kria meius ne'ebé próprio hodi fasilita estudante sira einjerál iha prosesu aprendijazen ka eskola ba uma no laiha impedimentu hodi nune'e garante nafatin estudante hotu sira nia direitu ba edukasaun. Hanesan mantein oras hanorin (online ba estudante sira durante aplikasaun EE) no mós rekomenda nafatin ba MEJD atu garante orsamentu disponivel iha setor edukasaun hodi responde ba programa MEJD nian durante implementasaun EE.

2. Direitu ba integridade física

PDHJ observa husi media Jornal Diariu Independente³ koba-ba Opsaun Governu hodi obriga sidadaun sira ba simu vasina hato'o husi Ministru Prezidensia Konsellu Ministru Sr. Fidelis Manuel Leite Magalhães iha loron 30 Outubru 2021, maibé haree ba lejislasaun atuál laiha possibilidade ba Governu atu obriga sidadaun sira atu simu vasina, bele obriga wainhira remata EE no Parlamentu Nasional aprova lei⁴ hodi obriga vasinasaun ba sidadaun sira.

Aleinde ne'e, iha mós deklarasaun husi Primeiru Ministru⁵ kona-ba veteranu no idozu sira ne'ebé laiha kartaun vasina possibilidade sei la simu osan pensaun no subsídu. Tanba ne'e, Provedoria esklarese, iha entrevista iha RTTL iha loron 15 Outubru, katak tuir lei atuál la posivel tanba liga ho direitu adkiridu ema nian, nune'e PDHJ kestiona mós legalidade ba medida relaciona ho retroatividade ba aplikasaun política ida ne'e no husu ba entidades Estadu labele uza vasina sai rekizitus administrativus tanba konsideradu hanesan violasaun direitus umanus.

Iha parte seluk PDHJ monitoriza kona-ba política implementasaun vasinasaun obrigatoria ba estudantes no manorin sira tuir ho sirkular 063/DG-EE/MEJD/X/2021 husi Ministru Edukasaun, Juventude no Desportu (MEJD), PDHJ ezerse nia kompeténsia relaciona ho política refere no haruka ona karta Nú Ref 327/PDHJ/X/2021, atu fó oportunidade no enkoraja

² Konforme publikasaun husi pájina FB: Palácio das Cinzas, Ministériu Saúde

³ Jornal Diariu Independente kinta, 21 Outubru 2021 (Governu haree hela opsaun obriga sidadaun simu vasina)

⁴ Artigu 24 KRDTL

⁵ Fonte: Tempu Timor, 12 Outubru 2021

manorin sira hodi simu vasina maibé labele obriga tanba laiha baze legál para bele obriga sidadaun no bele afeta ba ema nia direitu integridade fizika no mós husu atu revoga sirkular refere hodi kria sirkular foun ne'ebé respeita no garante aplikasaun tuir medidas ne'ebé aprovada ona husi Governu hodi bele eskolla alternativa karik la vasina bele apresenta swap test.

PDHJ kontinua rekomenda ba Governu kontinua ho política vasinasaun ka test swap ne'ebé implementa ba funzionáriu sira no atu kria mekanizmu ida adekuadu liuhusi diseminasaun husi parte hotu-hotu nian hodi konvense ema hotu-hotu ninia konxiénsia komun ida hodi hetan protesaun liuhusi vasina kontra COVID-19, nune'e labele obriga fali ema hotu-hotu relasiona ho violasaun direitu ba integridade fizika tanba previzaun legál iha artigu 2 alínea b) ne'ebé mak konjuga ho artigu 6.^º alínea b) husi Dekretu Presidente Repúblika Nú. 81/2021, 28 Setembru no husi Lei n.^º 20/2021, 28 Setembru , katak deklarasaun estadu emerjénsia la afeta, ema nia direitu ba integridade fizika. Aleinde ne'e, labele viola mós direitu funzionáriu sira nian ba servisu (artigu 50.^º KRDTL), hodi la simu saláriu ba sira ne'ebé la simu vasina maibé lista prezensa sirkula hanesan baibain.

3. Diseminasaun Informasaun kona-ba COVID-19

Durante EE-18 PDHJ akompaña husi media Timor⁶ Post no observa katak MAPCOMS no MS kontinua halo kampaña ba vasinasaun kombate COVID-19 iha munisípiu sira inklui RAEOA no iha loron 08 Outubru 2021 MAPCOMS realiza enkontru ho PN hodi partisipa iha kampaña refere hodi hasa'e konxiénsia komunidade ba simu vasinasaun partikularmente munisípiu sira ne'ebé sedauk atinji 50% hanesan Munisípiu Bobonaro, Ermera, Ainaro no seluk tan.

PDHJ rekomenda ba Governu espesialmente ba Ministériu relevantes no PN hodi kria sinerjia ida ne'ebé di'ak hodi kontribui ba susesu programa kampaña vasinasaun COVID-19 no mós rekomenda ba instituisaun PNTL no FFDTL hodi kontribui mós iha programa ida ne'e.

4. Implementasaun no Kumprimentus ba Lei no Regras

Bazeia ba rezultadu monitorizaun no observasaun PDHJ kona-ba implementasaun regra EE no kumprimentu komunidade einjerál seidauk iha konxiénsia komun hodi kumpri ba implementasaun regras EE hodi kombate moras COVID-19 iha Timor-Leste. Kestaun hirak ne'e tanba laiha seriedade no kontrolu másimu husi autoridade seguransa no autoridade relevante.

PDHJ rekomenda ba Governu liu husi ministériu relevantes (MI) no espesifikamente ba instituisaun F-FDTL no PNTL hodi reforsa seguransa iha fronteira hodi prevene movimentu ilegal iha fronteira relasiona ho transmisaun COVID-19 no variante foun iha Timor-Leste.

Haree mós ba faktus husi rezultadu monitorizaun iha EE-18 ne'e kona-ba kumprimentu regra EE husi komunidades einjeral PDHJ nota katak persiza iha harmonizasaun artigu sira

⁶ Jornal Timor Post, kinta 14 Outubru 2021 (Deputados vão acompanhar governantes durante campanha de vacinação contra COVID-19).

ihā Dekretu Governu⁷ hodi evita kria konfuzau iha implementasaun no kumprimentu husi ema hotu ne'ebé hala'o atividades ka movimentu iha rai laran.

PDHJ rekomenda ba Governu hodi halo harmonizasaun ba artigu sira ne'ebé temin iha Dekretu Governu hodi evita erru iha implementasaun no kumprimentu komunidades ba regra sira.

5. Impaktu Ekonómiku

Dekursu implementasaun EE PDHJ observa katak situasaun ekonómia Timor-Leste iha 2021 kontinua hasoru dezafius boot tanba limitasoens orsamentu estadu nian durante EE, inserteza política inklui impaktu global husi surtu COVID-19 ne'ebé diretamente hamosu impaktu ekonómiku ba família barak espesifikamente ba komunidade vulneravel sira ne'ebé moris iha mukit nia laran no enfrenta nafatin situasaun hamlaha.

Ho nune'e, PDHJ kontinua rekomenda ba Estadu liuhusi Governu espesifikamente ba Ministériu relevante hodi kontinua nafatin hala'o esforsu másimu hodi haree fila fali ba medidas hirak ne'ebé implementa durante EE-18, hodi bele kria kondisaun atu hatán ba preokupasaun komunidade relasiona ho nesesidade bázika, no kontinua rekomenda ba Governu atu aselera distribuisaun ba alimentus sira ne'e ho lais no efikás nune'e bele responde nesesidade populasaun sira ne'ebé oras ne'e presiza hela tulun. Iha alterasaun dahuluk ba Lei N.º 14/2020 kona-ba OJE 2021 liuhusi Lei n.º 8/2021, 3 maiu, ne'ebé mak estabelese iha artigu 18.º kona-ba akizisaun alimentus ba ema no família ne'ebé mak presiza aihan.

6. Fasilitade

PDHJ iha EE-18 kontinua observa fatin edifisiu públiku⁸ no merkadu sira laiha kontrolu ka manutensaun ba instalasaun tanki, bee no sabaun hodi fase liman, no mós laiha ekipamentus ne'ebé mak tau iha fatin refere hodi bele uza wainhira mosu problema saúde ho ema ne'ebé mak simu vasina.

PDHJ mós rekomenda ba Governu hodi kontrola no halo manutensaun ba tanki bee no prepara kondisaun ida ne'ebé bele garante hodi prevene transmisaun surtu COVID-19 iha fatin hanesan merkadu tanba iha potensialidade boot ba transmisaun iha fatin refere.

Ba faktu vasina moras COVID-19 nian maka PDHJ rekomenda ba Governu atu kria kondisoens hodi prepara ekipamentus ba primeiru sokoru nesesáriu hodi fó apoiu lalais ba populasaun sira ne'ebé hetan impaktu negativu makaas ba reasaun husi vasina atu garante intervensaun ida lalais husi ekipa ne'ebé realiza vasinasaun iha fatin vasina iha territóriu Timor-Leste no mós tanki bee no sabaun fase liman iha fatin instalasaun sira hodi apoiu komunidade einjerál ba evita transmisaun COVID-19.

7. Pontu Entrada

Iha implementasaun EE-18 PDHJ kontinua halo monitorizasaun ba pontu entrada sira hodi observa direta kumprimentu komunidade einjeral ba regra EE wainhira hala'o viajen no mós

⁷ Haree pontu kona-ba dezafiu no rekomendasau Pag. 5-6

⁸ Fatin edifisiu públiku iha tabela aneksa

pesoál responsavel sira ne'ebé destakadu hodi hala'o knaar tuir regra vigór inklui facilidades sira ne'ebé pertinente ba servisu pesoál saúde sira.

Durante EE-18 relasiona ho monitorizasaun ba pesoál saude sira ne'ebé destakadu iha pontu entrada Vemasse Munisípiu Baucau no Tasi tolu Munisípiu Dili mak PDHJ observa katak pesoál saúde sira destakadu iha fatin refere hodi hala'o knaar tuir regra EE, no mós iha material desinfektan sira ba pesoál saude sira hodi halo servisu tuir prosedimentus ka protokolu saude nian.

Para alende ne'e, PDHJ observa katak iha mós membru ka ekipa husi PNTL hodi halo kontrolu ba movimentu transporte sira ne'ebé tama no sai husi pontu entrada sira hanesan mensiona iha tabela tuir mai ne'e:


Ekipa/Pesoál Saúde Destakadu	Sim	
Ekipa/Pesoál Saúde sira kumpri knaar tuir Prosedimentus ka protokolu saúde nian iha pontu entrada	Sim	
Iha rekursu materiál dezinfekta no materiál apoiu seluk hodi halo atendimentu sira iha pontu entrada	Sim	
Ekipa/Polísia sira koloka iha pontu entrada hodi hala'o knaar tuir lei no orden	Sim	Vemasse Munisípiu Baucau
Ekipa/Pesoál Saúde Destakadu	Sim	
Ekipa/Pesoál Saúde sira kumpri knaar tuir Prosedimentus ka protokolu saúde nian iha pontu entrada	Sim	
Iha rekursu materiál dezinfekta no materiál apoiu seluk hodi halo atendimentu sira iha pontu entrada	Iha	
Ekipa/Polísia sira koloka iha pontu entrada hodi hala'o knaar tuir lei no orden	Sim	Tasi Tolu

PARTE II – REZUMU REZULTADU MONITORIZASAUN

Iha EE-18, PDHJ kontinua hala'o monitorizasaun hodi haree kumprimentu komunidade einjeral kona-ba implementasaun regras EE ho medidas prevensaun COVID-19 iha Timor-Leste tuir Dekretu Governu Nú. 23/2021, 29 Setembru, ne'ebé monitoriza liu ba regras sira hanesan distansiamentu sosiál, devér jerál kooperasaun no mós ba devér espesiál kooperasaun ba responsavel rejionál, munisipál no lideransa komunitária sira nian. Aleinde ne'e PDHJ mós tuir no observa asuntu hirak ne'ebé relasiona ho disseminasaun prevensaun COVID-19 (vasinasaun).

A. Área Monitorizasaun

Durante implementasaun EE-18, tuir Dekretu Prezidente Repúblika Nú. 81/2021, 28 Setembru 2021 PDHJ halo monitorizasaun ba regras EE, medidas prevensaun moras COVID-19 husi Dekretu Governu Nú. 23/2021, 29 Setembru 2021. PDHJ halo observasaun ba munisípius sanulu (10) no RAEOA iha fatin sira ne'ebé mak iha potensialidade ba inkumprimentu medidas prevensaun COVID-19 hamutuk limanulu (50)⁹.



Tuir grafiku previstu demostra katak husi fatin limanulu (50) ne'e, iha EE-18 PDHJ monitoriza fatin servisu públiku hamutuk haatnulu-resin-rua (42) ka maioria ho 80% kompara ho Merkadu sira hamutuk hitu (7) ka 14% para alende iha via pública hamutuk rua (2) ka 4% no komersiu hamutuk ida (1) ka 2%. Detallu hanesan iha gráfiku previstu.

PDHJ nia atividade monitorizasaun ba medidas ezekusaun EE mak foka ba kumprimentu iha artigu 16.^º kona-ba distansiamentu sosiál, maske nune'e observasaun ba kumprimentu halo mós liuhusi média sosiál mak detekta katak laiha kumprimentu husi komunidade ba artigus 13¹⁰, 14¹¹ no 15¹² tanba razaun prinsipál katak artigus sira ne'e kontradis ho artigu 16.^º nú 2 husi DG hodi la posivel atu halo implementasaun ida di'ak atu sidadaun hotu-hotu bele kumpre.


⁹ Detallu iha tabela II. anexa

¹⁰ Eventos sociais, culturais e desportivos

¹¹ Eventos religiosos

¹² Realização de funerais


B. Kumprimentu ba rega distansiamentu sosiál



PDHJ halo observasaun kona-ba distansiamentu sosiál tuir regras EE-18 artigu 16 nú. 1 alínea a).¹³ prevee distânsia sosiál metru ida ho ema seluk. Bazeia ba gráfiku ne'e amostra katak husi fatin hamutuk limanulu (50) ne'e kompostu husi fatin komersiu ida (1) servisu públiku haatnulu (40) no merkadu hamutuk hitu (7), PDHJ bazeia ba rezultadu previstu haree katak 62% (31) lakumpri regra EE hodi mantein distansiamentu sosiál kompara ho 38% (19) ne'ebé iha kumprimentu ba rega EE hodi mantein distansiamentu sosiál.

Maské iha DG¹⁴ espesifikamente la sita kona-ba mantein distansiamentu sosiál via pública maibé PDHJ haree katak fatin hirak ne'e sei iha potensialidade ba transmisaun COVID-19, para alende ema hotu tenke kumpri regra EE partikularmente iha DG artigu 16.^º kona-ba kumprimentu ba rega distansiamentu sosiál no mós reforsa husi artigu 30.^º kona-ba devér jerál kooperasaun.

C. Evita Aglomerasaun



Bazeia ba gráfiku ne'e amostra iha leten katak PDHJ halo observasaun ba komunidade sira ne'ebé mak la evita halibur malu ka kontinua halo aglomerasaun hamutuk fatin limanulu (50), tuir medidas EE-18 artigu 16.^º nú 1 alínea d) katak sidadaun iha obrigasaun hodi evita aglomerasaun iha fatin via pública, nune'e mak observa katak via pública iha rua (2) mak la


¹³ “a) Manter uma distância de, pelo menos, um metro relativamente a outros indivíduos com os quais não vivam em economia comum”.

¹⁴ DG Nº. 23/2021 de 29 de Setembro

evita, no fatin seluk, maské laiha previzaun iha medidas ba evita halibur malu, PDHJ haree katak relevante atu observa fatin hirak ne'e mak hanesan: fatin komersiu ida (1); Servisu públiku haatnulu (40) no Merkadu hamutuk hitu (7). Maské la proibidu ba público kona-ba aglomerasaun iha fatin sira ne'ebé previstu maibé PDHJ haree katak fatin hirak ne'e sei iha potensialidade ba transmisaun COVID-19 tanba iha 76% (38) la iha kumprimentu hodi evita aglomerasaun kontrariamentu 24% (12) iha kumprimentu ba evita aglomerasaun.

Bazeia ba DG artigu 16 nú. 1 alínea d) kona-ba evita halibur malu iha via pública PDHJ nota bazeia ba rezultadu monitorizasaun totalmente komunidade einjeral lakumpri hodi evita aglomerasaun iha via pública sira hanesan : Pontu entrada Vemase no Tasi tolu, para alende iha mos observasaun jeral hanesan iha estrada Balide, Estrada Tabesi, Estrada Comoro, no Estrada Audian PDHJ haree katak komunidade sira totalmente la evita aglomerasaun maské iha destakamentu Polisia iha fatin hirak ne'e maibé PNTL rasik laiha kontrolu máximu ba regra refere no husik komunidade hala'o movimento ho aglomerasaun iha dalan público ka via pública.

D. Uza Máskara




Tuir regra EE-18 artigu 16 Nú 1 alinea b)¹⁵ kona-ba kumprimentu uza máskara PDHJ observa katak husi totál fatin monitorizasaun hamutuk limanulu (50) ne'e maioria 64% komunidades einjeral la iha kumprimentu totál hodi uza la uza máskara wainhira hala'o atividades maibé pelukontrariu iha 36% maka iha kumprimentu hodi uza máskara, espesifikamente iha fatin servisu público funzionárius no komunidades einjeral la iha kumprimentu hodi uza máskara (23) wainhira hala'o servisu ka atividades atendimento público, entretantu iha fatin potensiál sira seluk hanesan komérsiu no merkadus mak maioria komunidade la iha kumprimentu ba regra ka medidas preventivaun previstu hodi uza máskara wainhira hala'o atividade.

Maské la bandu hodi la uza maskára iha vias públicas, no fatin sira seluk hanesan deskreve iha grafiku previstu maibé PDHJ konsidera nafatin hanesan fatin potensiál ba hada'et moras COVID-19 tanba movimento sira ne'ebé PDHJ observa direta iha terenu maioria movimento komunidade sein uza máskara, situasaun hanesan ne'e hatudu katak iha possibilidade boot hada'et moras refere. Detallu hanesan iha gráfiku previstu.

¹⁵ Utilizar máscara facial que cubra o nariz e a boca quando tenham que aceder ou permanecer em recintos públicos ou privados de utilização coletiva.

E. Fase Liman



Durante implementasaun EE-18 PDHJ kontinua halo observasaun kona-ba kumprimentu komunidades einjerál relasiona ho kumprimentu ba fase liman wainhira hala'o atividade tuir artigu 16 nú. 1 alínea c.¹⁶ Husi fatin sira ne'ebé identifikadu hamutuk limanulu (50) ne'e PDHJ observa direta iha terenu katak iha 66% husi fatin previstu maioria estudantes, funzionáriu públiku ou komunidades einjerál iha kumprimentu hodi fase liman wainhira hala'o atividades maibé fatin sira ne'ebé mensiona iha gráfiku iha 34% husi lakumpri regra ne'ebé rigór hodi fase liman wainhira halo muvimentu ka atividade.

Hanesan iha fatin edifisiu públiku iha tolunulu (30) maka iha kumprimentu ba prepara facilidades hanesan bee no sabaun inklui funzionárius no komunidades sira kumpri hodi fase liman wanhira hala'o atendiemntu maibé iha fatin sanulu (10) maka la kumpri ba prepara facilidades sira hanesan bee no sabaun hodi fase liman, no balun prepara bee no sabaun maibé funzionáriu no komunidade sira la kumpri hodi fase liman wainhira hala'o atividade atendimento público.

Para aleinde ne'e, maské la estabelese iha medidas preventivas hodi fase liman iha fatin via pública, PDHJ haree katak fatin hirak ne'e iha potensialidade boot tebes ba transmissaun surtu COVID-19 tanba komunidades mai husi fatin diferentes no hamutuk iha fatin ida hanesan, no mós movimentu iha via pública inklui atividades transaksau ho vendedor ambulantes no transporte pubbliku sira tanba iha possibilidade moras refere bele hada'et liu husi osan tahan ka osan besi ne'ebé husi liman ida ba liman seluk ke deskonfia laiha desinfektan. Haree faktu katak vendedor ambulante no komprador sira bele utiliza tanki bee sira ne'ebé besik merkadu ka fatin komersiu hodi fase liman, maibé iha situasaun ne'e diferente ho transporte público maka PDHJ hanoin katak importante ba Governu kria política ida hodi disponibiliza tanki bee iha estasau ba transportes pubblikus, atu antes siddadaun sira utiliza transporte público, sira fase ona liman nune'e bele hamenus kontájiu ba moras COVID-19.

PDHJ kontinua observa no haree desde EE-1 too EE-18 katak DG kona-ba regra distansiamentu sosiál sei nafatin eziste no pertinente tebes tanba kestaun pandemia sei nafatin iha no transmite husi ema ida ba ema seluk maské iha Timor-Leste konsege iha redusaun ba número pasiente. PDHJ kontinua haree implementasaun no kumprimentu komunidades einjerál kona-ba regra distansiamentu sosiál espesifikasiamente DG artigu 16.^o tanba ho kumprimentu ba regra ida ne'e maka bele prevene hada'et COVID-19 no mós vasinasau.

¹⁶ *Higienizar as mãos quando pertendam entrar em estabelecimentos comerciais, industriais ou de prestação de serviços, nos locais onde funcionem serviços da administração pública.*

F. Devér Jerál Kooperasaun¹⁷

Durante implementasaun EE-18, PDHJ kumpri devér hodi kontinua halo monitorizasaun iha munisípiu sanulu (Ainaro, Baucau, Bobonaro, Covalima, Dili, Ermera, Lautem, Manatuto, Manufahi, RAEOA no Viqueque) inklui ba fatin sira ne'ebé identifika regularmente husi PDHJ konsidera fatin potensiál ba transmisaun COVID-19 hanesan: Edifisiu Públiku, Komérsiu, Vias Públikas, no Merkadu sira.

Iha fatin sira ne'e PDHJ regularmente monitoriza hodi haree kona-ba kumprimentu entidades públikus sira kona-ba devér jerál kooperasaun iha ámbitu kombate transmisaun COVID-19. Bazeia ba rezultadu monitorizasaun PDHJ nota katak maské iha kooperasaun husi entidades relevantes sira maibé facilidades sai nafatin kestaun iha terenu tanba laiha manutensaun hanesan instalasaun tanki beé no sabau no mós konxiénsia pública hodi kumpri ba regra EE ne'ebé vigór hanesan wainhira komunidades sira hala'o atividades funerál, kulturál, desportu no komérsiu maioria la kumpri devér hodi koopera ba regra EE ba kombate transmisaun pandemia COVID-19.

PDHJ nafatin haree fatin sira previstu tanba bazeia ba DG artigu 16 alinea a, b, c, no d) kona-ba regra distansiamentu sosiál ema hotu iha devér hodi kumpri regra rigór hodi kombate transmisaun COVID-19.

G. Devér Espesiál Kooperasaun ba Responsavel Rejionál, Munisipál no Lider Komunitária sira nian¹⁸

Dekursu EE-18, PDHJ kontinua hala'o monitorizasaun relasiona ho devér kooperasaun ba responsavel rejionais no lideransa komunitáriu sira hodi observa direta kona-ba kumprimentu hodi hala'o devér kooperasaun tuir Dekretu Governu hodi disemina regra EE, prinsipalmente iha Munisípiu sira hodi prevene transmisaun moras COVID-19 iha teritóriu Timor Laran tomak.

Durante EE-18, PDHJ nota katak diseminasaun ba regra EE ne'ebé Governu aplika, iha seriedade husi ajente prinsipál sira hanesan lideres komunitárias, Munisipál no responsavel rejionais sira oinsa atu disemina informasoens sira ne'ebé pertinente relasiona ho preventsaun COVID-19 maibé persiza mós konsisténsia política husi Governu relasiona ho regra sira ne'ebé aplikavel iha EE, hodi labele hamosu polémika ida ne'ebé bele hamenus konxiénsia komunidade einjerál relasiona ho kumprimentu ba regra no moras COVID-19 ne'ebé globalmente hamate ema barak ona espesifikamente iha Timor-Leste.

Iha EE-18 PDHJ observa katak husi DG artigu 13.^º 14.^º no 15.^º fó oportunidade boot ba responsavel rejionais, munisipal no lideres komunitaria sira hodi la kumpri regra distansiamentu sosiál, para alende úniku solusaun ba kombate no hakotu transmisaun COVID-19 maka liu husi vasinasaun no distansiamentu sosiál tuir DG espesifikamente ba artigu 16.^º alineas a),b),c) no d).

Kestaun hirak ne'e PDHJ nota liu husi atividades sira ne'ebé hala'o durante EE-18 husi munisípius sira ne'ebé sein kontrolu ba regra distansiamentu sosiál partikularmente DG

¹⁷ Artigu 30.^º husi Dekretu Governu Nú. 23/2021 29 Setembru, kona-ba devér jerál kooperasaun.

¹⁸ Artigu 31.^º husi Dekretu Governu Nú. 23/2021 29 Setembru, kona-ba devér espesiál ba kooperasaun husi responsaveis rejionais, munisipais no lideransas komunitárias.


artigu 16 alinea a), b), c), no d) kona-ba kumprimentu uza máskara, distansia fiziku, fase liman no evita halibur malu iha via pública.

PARTE III – ATIVIDADE PDHJ

Bazeia ba nia knaar no kompeténsia PDHJ nian ne’ebé hatuur iha Konstituisaun RDTL no Estatutu PDHJ, iha implementasaun EE-18 ne’e kontinua hala’o atividades hanesan simu kesar, halo monitorizasaun no rekomendasaun.

A. Tratamentu Kesar

Durante implementasaun EE-18 PDHJ kontinua nafatin simu kesar husi komunidade kona-ba violasaun direitus umanus no governasaun di’ak ne’ebé akontese durante aplikasaun medidas regras EE-18. Dadus detalladu hatudu iha gráfiku tuir mai ne’e:



Iha implementasaun EE-18 PDHJ rejista kazu hamutuk sanulu-resin-haat (14) kompostu husi VDH hamutuk haat (4) no VBG hamutuk sanulu (10). Husi total keixa hirak ne’e hato’o husi mane hamutuk hitu (7) no feto hamutuk hitu (7). Para aleinde ne’e hato’o keixa diretamente ka nain rasik hamutuk sanulu-resin-ida (11) liu husi karta tolu (3) liu husi telefone, Email no WA laiha. No mós PDHJ simu keixa iha Dili/Nasional hamutuk sanulu-resin-tolu (13), DT-Maliana laiha (0), DT-Oe-Cusse laiha (0), DT-Baucau ida (1) no DT-Same laiha (0). Detallu hanesan iha gráfiku mensiona.


B. Monitorizasaun

Durante implementasaun EE-18 PDHJ halo observasaun ba asuntu sira ne’ebé maka regula iha Dekretu Governu 23/2021, 29 Setembru,, relasiona ho Medida Ezekusaun ba Deklarasaun EE-18, espesifikamente iha artigus 13.^º (*Eventos sociais, culturais e desportivos*), 14.^º (*Eventos religiosos*), 15.^º (*Realização de funerais*) no 16.^º (*Regras de distanciamento social*), artigu 30.^º (*Dever geral de cooperação*) no mós artigu 31.^º (*Dever especial de cooperação dos responsáveis regionais, municipais e lideranças comunitárias*), halo monitorizasaun mós ba kazu violasaun Direitus Umanus no violasaun Governasaun Di’ak.

C. Intervensaun urgente liu husi rekomendasau espesífika ba entidade sira

Hahú kedes husi EE-1 to'o mai EE-18, PDHJ kontinua nafatin halo rekomendasau, tratamentu ba kesar no uza nia podér hodi halo mós intervensaun urgente ba entidades públikas sira hodi husu atuasaun ne'ebé respeita ba prinsípiu direitus umanus no governasaun di'ak. Períodu aplikasaun EE-18 halo mós intervensaun liuhusi hato'o relatóriu no mós enkamiña keixa ba autoridades relevante sira. Intervensaun hirak ne'e maka PDHJ halo durante EE-18.

Dili, 19 Novembru 2021



Jesuina Maria Ferreira Gomes, MPA
Provedora

ENTIDADE PÚBLICA

TIPI REKOMENDASAUN

REKOMENDASAUN

Prevensaun – Distansiamentu sosiál

MTC
MS
MI

Dezenvolve regulamentu ka
 Sistema kontrolu

PDHJ iha EE-18 kontinua rekomenada ba Governu hodi kontinua fó atensaun máximu atu determina instrusaun klaru ba entidades públikas sira hodi kontinua promove sistema kontrollu iha portu entrada sira hanesan: fronteira terrestre Mota-Ain, Mota-Masin, Sakato, Oesilo, portu, no aeroporto, no mós kontinua suporta fasilidades no ekipamento nesesárius ba edifisiu ne’ebé fó atendimentu público hodi asegura implementasaun regra preventsaun COVID-19.

Iha EE-18 PDHJ kontinua rekomenada nafatín ba Governu partikularmente MAE hodi fó nafatín orientasaun klaru ba lider komunitáriu sira hodi kontinua nafatín disemina informasaun ba medidas preventivas Covid-19 ba komunidade.

Desiminasauaun persuasive ba komunidade kona-ba protokolu ne’ebé hala’o iha sentru saúde, ospitál, kuarantena no mós izolamentu no mós protokolu prosesi funeral ema ne’ebé mate ho no tanba COVID-19, hodi hasa’ e komunidade nia konhesimentu nune’ e bele hanetin komunidade nia fiar hodi bele kontribui ba programa hakotu korenti COVID-19 iha Timor-Leste.

Konsistensia PDHJ iha EE-18 hodi rekomenada ba MAE servisu hamutuk ho autoridade lokál hanesan xefe suku, xefe aldeia atu halo dadus ne’ebé própriu no loloos kona-ba komunidade/traballadór lojas konstruksaun/mobiliária sira ne’ebé maka nia rendimento hetan diariamente, hodi nune’ e bele hatán ba komunidade refere nia nesessidade báziku bainhira suspende atividades hirak ne’ebé iha implementasaun EE tuir mai.

EE-18 PDHJ firme hodi rekomenada ba Governu espesifikamente ministériu relevante sira hodi kria mekanizmu ida ne’ebé bele garante kapasidade hodi kontrola propagasaun moras COVID-19 iha Timor-Leste ne’ebé iha transmisaun lokál, no mós kontinua reforça instalasaun ekipamentu prevensaun Covid-19, iha pontu entrada sira hanesan portu, aeroporto, fronteira terrestre, markadu, edifisiu público, no fornese ekipamentu no fasilidades apoiu iha sentru saúde sira ne’ebé servisu iha liña fronteira, inklui fornese máskara no facilita bee ba tanki sira ne’ebé instala ona iha EE-1 to’o EE-18. Haree ba número kazu ne’ebé kontinua aumenta nune’ e nafatín rekomenada ba Governu atu aumenta fatin izolamentu atu bele akomoda pasiente sira.

EE-18 PDHJ nafatín rekomenada ba Governu liulu ba Ministériu sira ne’ebé iha serbisu kona-ba atendimentu público nian (hanesan Ministériu Solidariedade Sosial no Inkluzaua, Ministériu Saúde, Ministériu Obras Públikas no Ministériu Edukasau, Juventude e Desportu, nst) atu kontinua fó instrusaun espesífika ba entidade pública sira

TIPU REKOMENDASAUN

MAE
Lideransa komunitáriu

Kumprimentu ba regas
 Estadu Emerjénsia

MS
MI
MOP

Dezenvolve regulamentu ka
 sistema kontrolu no fornese
 ekipamentus no fasilidades

Entidade fiskalizadór (MEJD
MSSI, MOP...)

Kumprimentu rega EE no
 instalasaun fasilidades

Garante asesu ba rekursu ka
facilidade no mós
kumprimentu ba regra
medidas preventivas COVID-
19

MS
MAE
MSSI

SECOMS
MEJD
MS
PA-RAEOA

Asesu ba Informasaun

MS, CIGC, SECOMS,
MAPCOMS

PA-RAEOA

Respeita direitu privasidate

MS no CGC

Haforsa kapasidade

máskara no indika pesoal móvel hodi haforsa sistema kontrolu iha fatin instalasaun sira.

EE-18 PDHJ kontinua rekomenda ba Governu hodi fornese ekipamentus ka fasiliidades

ba protesaun hanesan máskara, *handsanitizer/alcol* ba sidaunaun sira liuliu sira ne'ebé

kbi'it la'ek no estudante sira no mós firme nafatin hodi rekomenda ba autoridade pública

sira hodi kontinua halo kontrolu no manutensaun ba iha fasiliidades ne'ebé instala ona tuir

padraun hosi organizasaun saude mundial, no mós kumpri hodi mantein distansiamentu

sosial no evita halibur malu iha grupu.

EE-18 PDHJ mós rekomenda ba MSSI atu kria kondisaun hanesan prepara dadus ne'ebé
apropriadu liuhusi via online, halo kontrolu ba autoridade seguransa iha prosesu
atendimentu, fó kuota númeru loron ida atende tuir quota, nune'e mós molok hahu fó
avizu nafatin informasaun prevensau COVID-19 hodi ne'ebé bele fasilita atendimentu
ba beneficiariu evita aglomeraun iha fatin públiku no kumpri regras EE liuliu regras
prevensau ba COVID-19.

EE-18 PDHJ kontinua nafatin rekomenda ba Governu atu intensifika informasaun iha
nível komunitáde no uza métodu ne'ebé bele iha impaktu positivu muda komunitáde nia
hahalok atu bele prevene hada'et moras COVID-19 ho susesu rekomenda mós ba
Prezidente Autoridade RAEOA atu iha kompromisu hodi fó instrusaun ba lider
komunitáriu sira hodi kontinua dissemina regras Estadu Emerjénsia relasiona ho medidas
preventivas COVID-19 ba komunitáde RAEOA.

[] PDHJ rekomenda ba Governu atu garante katak informasaun kona-ba sidaunaun nia
identidade iha konfinamentu obrigatoriu bele fó sai de'it bainhira iha autorizasaun ka
konsentimentu hosi sidaunaun refere.
Iha EE-18 PDHJ nafatin kontinua rekomenda ba Governu partikularmente ba *(Ministério
Dos Assuntos Parlamentares E Comunicação Social)* hodi kontinua promove
koñesimentu hosi responsável mídia ba fatin kuarentena sira kona-ba prinsípiu
autorizasaun ka konsentimentu hosi ema privadu nian atu hetan filmajen no fó sai
informasaun kona-ba ninia situasaun saude nian sei depende ba autorizasaun ida-idak
nian.

PDHJ kontinua sujere mós ba MAPCOMS atu kria meius ida atu hamenus informasaun
falsu ne'ebé espalla buras iha rai laran kona-ba COVID-19 iha Timor-Leste no mós
relasiona ho vasina.

Direitu ba Asisténsia Médika iha Ámbitu Jerál

PA-RAEOA

Garante asesu ba servisu
públiku

Períodu EE-18 PDHJ nafatin rekomenda ba Governu, liu-liu autoridade RAEOA, tenke
garante funsionamentu ba fasiliidade saude iha pontu entrada sira hanesan portu Kitahara
Mahata, fronteira Sakato, no Oesilo, no populausaun RAEOA einjeral.

EE-18 PDHJ rekomenda nafatin ba Governu hodi kontinua hadi'ak liu tan servisu

hanesan fasiliidade kuarentena hodi garante tratamentu dignu, kondisaun di'ak no

promove preparasaun hosi autoridade saude no mós iha orientasaun klaru kona-ba

disponibilidade ai-moruk, tratamentu no ai-han ne'ebé bele garante sidaunaun nia saúde

nasau kompu naa kuaencha. Nue e nuos r^oduj rekomenua naraun naa E.P.-10 au! Governu planeia hodi sosa materiais prevensau hodi distribui ba fasiliades saude iha territóriu laran inklui eskola sira nível primária to' o superior.

PDHJ rekomenada atu halo rekrutamento ba ofisial saude hodi bele responde atendimentu ba pasiente sira liuiu ba pasiente sira ho moras COVID-19 iha sentru saude hotu-hotu iha Timor laran.

Direitu ba Ai-han, Moris Adekuadu no Direitu Traballu

Implementasaun efetivu ba
atividade/planu

Morris la ho Violénsia no Asesu ba Justisa

Haforsa kapasidade no

kuantidade

MI
PNTL

EE-18 PDHJ kontinua rekomena nafatin ba Governu partikularmente ba MSSI hodi garante ajuda umanitária, hanesan ai-han báziku ba ema vulnerável sira.

PDHJ reaffirma iha EE-18 hodi rekomena tan ba Komandu Jérål PNTL atu kontinua promove koñesimentu PNTL ba nesesidade hodi mantein no hametin aplikasaun prinsipi polisiamentu komunitáriu, liuhusi kria komunikasaun di'ak ho komunidade no atensaun espesial ba membru komunidade sira ne ebé vulnerável liu.

PDHJ mós iha EE-18 kontinua rekomena nafatin ba Governu espesifikamente Ministeriu Interior atu iha sesaun treinamentu ba ofisials polisia kona-ba kumprimentu ba leis no kontinua fô instrusaun klaru ba subordinadu bainhira kumpri misaun servisu iha terrenu.

PDHJ mós komprometedu iha EE-18 hodi rekomena ba (MI) espesialmente PNTL hodi bele aumenta personil UPF iha fronteira hodi garante katak laihā movimento ilegal. PDHJ mós rekomena personil iha EE-18 ba Ministeriu Saude hodi kontinua desimina medidas preventivas COVID-19 hodi hasa'e konxiénsia komuniçade ho servisu hamutuk MI partikularmente ba PNTL hodi kontinua halo kontrolu ba aplikasaun medidas preventivas COVID-19 ho profisionalidade la ho aktu violasaun direitus umanus.

Asesu ba Edukasaun

Dezenvolve regulamentu ka
sistema
MEJD

Iha EE-18 PDHJ komprometedu hodi rekomena ba Governu liuhosi MEJD hodi esforsu atu promove eskola sira-nia kapasidade no mantein dixiplina hosi estudante sira bele kumpri rega medidas preventivas ba COVID-19. Para aleinde ne'e, rekomena nafatin mós ba MEJD hodi garante katak iha orsamentu disponivel ba iha setor edukasaun hodi sosa materiais prevensau COVID-19 no fornese fasiliades ba iha kada eskola tantu nível primária to' o nível superior. Iha sorin seluk, PDHJ kontinua rekomena nafatin ba Ministériu Edukasaun Juventude Desporto atu mantein oras hanorin (online/prezensiál) ba estudante sira iha ámbitu pandemia COVID-19.

PDHJ rekomena atu bele establese prazu ba professores no alunus hodi filia aul: prezensiál ne'ebé realístiku hodi fô oportunidade ba ema hotu-hotu ne'ebé hakarak an hetan vasina doze daruak. Wainhira liu ona prazu refere mak bele loke aula prezensiá

Atendimentu Públiku

MS

Garante asesu ba rekursus
materiais

Desiminasaun Informasaun

Iha implementasaun EE-18 PDHJ kontinua rekomenda ba MS atu kontinua nafatin fó apoio materiais preventiva COVID-19 ba sentru saúde, postu saúde no ospitál referal sira iha munisípiu hou hanesan máskara, hand sanitizer no termu scanner.

PDHJ rekomenda ba Governu atu kria kondisoens hodi prepara ekipamentus ba primeiru sokoru nesesáriu hodi fó apoiu lalaís ba populausaun sira ne'ebé hetan impaktu negativu makaas ba reasaun husi vasina atu garante intervensaun ida lalaís husi ekipa ne'ebé realiza vasinausaun iha fatin vasina iha territóriu Timor-Leste.

PDHJ rekomenda mós ba MS ho SIJK atu halo desiminasaun informasaun ne'ebé kona-ba protokolu atendimentu ba pasiente iha sentru saúde no hospital no mós esplikasaun kleean kona-ba pasiente ne'ebé mate tanba no ho COVID-19 no mós hadi'ak proseso funeral ba ema ne'ebé mate tanba COVID-19 ho dignu tuir protokolo OMS maibé fó importânsia ba kultura.

PDHJ mós nafatin rekomenda ba SIJK liliu pilar relevante atu konsidera resultadu test swab saí hanesan Guia da Marcha bainhira halo movimentu sai ba munisípiu seluk hodi bele evita konsentrasaun ka aglomerasyun iha CCD hodi hetan guia da marcha.

Aleinde ne'e, PDHJ mós kompremitidu hodi kontinua rekomenda MS atu hare fila fali aplikasaun protokolu iha sentru saúde no ospitál bainhira halo atendimentu ba pasiente ho kondisaun grave ne'ebé presiza atendimentu emergensia ho rapida.

Iha EE-18 PDHJ rekomenda nafatin ba Governu atu dezenvolve estratégia ida ne'ebé bele halais asesu ba bee moos ba ema hotu-hotu no garante katak komunitade tornak sei iha asesu ba bee moos atu hatan ba nesesidade uma laran no ijene.

Akresenta mós iha EE-18 ba Governu espesifikamente SAS atu halo planu no prevee orsamentu hodi instala bee moos ba eskola sira, edifisiu públiku iha territóriu laran atu kontribui ba ema moris di'ak no ijene no indika responsavel espesiíku hodi halo kontrolu ba instalasaun sira ne'ebé establetesidu.

SAS

Garante asesu ba bee-moos

Nº	Comercio	Servicos publicos	Funeral	Evento Desporto	Mercados	Vendedores Ambulantes	Transporte publico	Culturais	Religioso	Via Publica
1	BNCTL Baucau	ESG Lere Anan Timur			Bazar Merkadu Villa Nova Baucau			Pontu Entrada Vemasse		
2		EBF1 no 2 Ciclo Villa Nova Baucau			Bazar Merkadu Lospalos Villa			Pontu Entrada Tasi Tolu		
3		Edifisiu Baucau Adm. Postu Baucau Villa			Bazar Merkadu Tradisional Seisai Baucau					
4		Sede Suku Bahu				Merkadu Obralan Kaikoli				
5		Centro Saude Baucau				Merkadu Taibesi				
6		SedeSuku Bruma				Merkadu Manleu				
7		DNTT Baucau				Merkadu Komoro				
8		ESJ Nu. 2 Villa Nova Baucau								
9		Servisu Edukasaun Munisipiu Baucau								
10		CNE Baucau								
11		STAE Baucau								
12		Suku Vamase Tasi PA Vemasse								
13		Edifisiu PA Vemase								
14		Edifisiu PA Vemase								
15		Eskuada Polisia PA Vemasse								
16		Eskola ICFP Baucau								
17		EBF 02 Cabira-Oan Viqueque								
18		ESG 4 Setembru Viqueque								
19		ESG Calixa Viqueque								
20		Edifisiu Adm. Munisipiu Viqueque								
21		Centro Saude Internamento Viqueque								

Centro SSI Município	
Viqueque	
24 Eskuadra Polisia Postu	
Viqueque	
25 Komando PNTL	
Município Viqueque	
26 Komando PNTL	
Município Lautém	
27 Eskuadra Polisia Postu	
Lautém	
28 EBF Nu. 1 Lospalos	
Centro Saude Lospalos	
29 Edifisiu Edukasauan	
Município Lautém	
30 ESG 4 Setembru /	
Matadouro	
31 ESB Katolika Santa	
Madalena de Canosa Hs	
Laran	
33 ESB 3 Ciclo Nicolao	
Lobato Tasi Tilou	
34 Eskola Sao Jose Operariu	
Eskola Ensinu Sekundaria	
35 Cristal Dili	
Eskola Sekundaria 5 de	
Maiu Beçora	
Eskola Sekundaria	
36 Tekniku Vocasional	
Becora	
38 Eskola Duque de Caxeias	
Bemori	
39 STAE Município Ainaro	
40 Postu Saude Casa	
Município Ainaro	
1	7
	50

Tabela Fatin Monitorizasaun

Fatin monitorizasaun					
		Frequency	Percent	Valid Percent	Cumulative Percent
Vali d	Comercio	1	2.0	2.0	2.0
	Servisu	40	80.0	80.0	82.0
	Públiku				
	Mercados	7	14.0	14.0	96.0
	Via Publicas	2	4.0	4.0	100.0
Total		50	100.0	100.0	

Evita Halibur Malu iha Grupu/Aglomerasaun Crosstabulation

Fatin monitorizasaun		Evita Halibur Malu iha Grupu		Total
		Evita	La Evita	
		Comercio	Servisu	
	Comercio	0	1	1
	Servisu	12	28	40
	Públiku			
	Merkadus	0	7	7
	Via Públikas	0	2	2
Total		12	38	50

Mantein Distansiametu Sosiál Crosstabulation

Fatin monitorizasaun		Mantein Distansiametu Sosiál		Total
		Mantein	La Mantein	
		Komersiu	Servisu	
	Komersiu	0	1	1
	Servisu	18	22	40
	Públiku			
	Merkadus	0	7	7
	Via Públikas	1	1	2
Total		19	31	50

Uza Máskara Crosstabulation

Count

		Uza Máskara		Total
		Uza	La Uza	
Fatin monitorizasaun	Comercio	0	1	1
	Servisu	17	23	40
	Públiku			
	Mercados	0	7	7
	Via Publicas	1	1	2
Total		18	32	50

Ijeni ka Fase Liman Crosstabulation

Count

		Ijeni ka Fase Liman		Total
		Fase Liman	La Fase Liman	
Fatin monitorizasaun	Komersiu	1	0	1
	Servisu	30	10	40
	Públiku			
	Mercados	1	6	7
	Via Publicas	1	1	2
Total		33	17	50